

## Transkription von Stadtbucheintrag KIL 1493c

Ort, Datierung: Kiel, 1493-??-??

Signatur: Stadtarchiv Kiel, Das Erbebuch 1411-1604, S. 135/a

Inhalt: Hinrick Buse: Erbenspruch; Marquardt Schuldorp: Erbenspruch; Laurens Pael:  
Erbanspruch; Hans Holte: Erbenspruch; Nikolaikirche Kiel: Erbenspruch

---

Dat erue belegen In der fle(m)myske(n) strate(n) dat aldusz lange hefft ghe/horth Marquardt Bardt vnnd(e) syne(n) erue(n) horet nu quith vnnd(e) vrygh / hinrick buse vnnd(e) syne(n) rechten erue(n) mydt allem(e) rechte vryheyden / szo dat mydt syne(n) endescheden belege(n) ysz vnnd(e) marquardt vn(n)d syne / vor(e)var(e)n vrygest beseten hebben de rente vyndt me In dem(e) pa(n)tboke / welk he krech myd syner husfrowen Gretken In eynen brutschadt /

Dat erue belegen In der brugge(n)straten dat aldusz lange hefft ghehoret / hans Schuldorp Radtman(ne) thom(e) kyle vn(n)d syne(n) erue(n) horet nu quith / vnnd(e) vrygh Marquardt Schuldorp sym(e) sone vnnd(e) syne(n) rechte(n) erue(n) / mydt allem(e) rechte vnnd(e) vryheyden szo dat mydt syne(n) endeschede(n) be/legen ysz vnnd(e) hans erbenom(ed) vnnd(e) syne vorvar(e)n vrygest besete(n) hebbe(n) /

Dat erue belegen teghen den vlemszsch(en) ange(r) dat aldusz lange hefft ghe/horet Marquardt pael Borghermester(e) thom(e) kyle horet nu quith vnnd(e) / vrygh laurens pael sym(e) sone vnnd(e) syne(n) erue(n) mydt allem(e) rechte / vnnd(e) vryheyden so dat mydt syne(n) endeschede(n) belegen vn(n)d marquardt / erbenom(ed) vnnd(e) syne vorvar(e)n vrygest besete(n) hebbe(n) de re(n)te vintme In / dem(e) pantboke /

Dat erue belegen tegen den vlemszkeange(r) dat aldusz lange hefft ghe/horet laurens pael Radtman(e) thom(e) kyle horet nu quith vn(n)d vryg / hans holste vnnd(e) syne(n) erue(n) mydt allem(e) rechte vn(n)d vryheyden / so dat mydt syne(n) endeschede(n) belegen vnnd(e) laurens erbenom(ed) vn(n)d / syne vorvar(e)n vrygest beseten hebben de re(n)te vintme In dem(e) pantboke / <sup>1</sup>

Dat erue belegen In der hertstrate(n) dat aldusz lange hefft ggehoreth / Clawes boltyn vnnd(e) syne(n) erue(n) horeth nu quith vnnd(e) vrygh den / presteren vppe vnnser leue(n) vrowe(n) kor In sunte Nicolaj kerke(n) bynne(n) / dem(e) kytle vnnd(e) eren nakamelinge(n) mydt allem(e) rechte vnnd(e) vryheyde(n) / so dat mydt syne(n) endescheden belegen ysz vnnd(e) Clawes erghedacht / vnnd(e) syne vorvor(e)n vrygest beseten hebben welk husz ysz ghegunth / den vorbenom(ed) prester(e)n van dem(e) Rade dorch sunderger vorghu(n)/nighe tho to schriue(n)de vor er wanhusz vnnd(e) nicht anders / ouerst so scolen so gheue(n) Jarlikes dem(e) Rade vnnd(e) der Stadt / vor alle vnplicht xii s(chilling) lub(esch)

<sup>1</sup>Text im Original gestrichen